

般若波羅蜜—【拈花微笑】公案

爾時，娑婆世界主大梵王名曰「方廣」，以三千大千世界成就之根——妙法蓮金光明大婆羅華，捧之上佛，退以作禮，而白佛言：「世尊，今佛已成正覺五十年來，種種說法，種種教示，化度一切機類眾生，若有未說最上大法，爲我及末世行菩薩人，欲行佛道凡夫眾生，布演宣說。」作是言已，捨身成座，莊嚴天衣，令坐如來。

爾時如來，坐此寶座，受此蓮華，無說無言，但拈蓮華入大會中，八萬四千人天時大眾，皆止默然。於時長老摩訶迦葉，見佛拈華示眾佛事，即今廓然，破顏微笑。佛即告言：「是也，我有正法眼藏，涅槃妙心，實相無相，微妙法門，不立文字，教外別傳，總持任持，凡夫成佛，第一義諦，今方付囑摩訶迦葉」。言已默然。

* 原公案出自《大梵天王問佛決疑經》



